

KISIKNA LE MAISAKNA



June 6, 2026 ading Lesson 10

“I mawhnate
pulak lehang i
mawhnate hong
maisak in i
diktat lohna
khempeuh pan
hong sawpsiang
dingin amah muan
huai in a dik hi”

(1 John 1:9, zsv)




Lai Siangtho in “mi khempeuh in gitloh nate sem in Pasion’ vangliatna ban lo uh hi” ci-in pulaak hi (Rom. 3:23).

Tua in eite mawhna pen kipeel theilo ahihkeileh kihem khia theilo ahihna pulaak hi (Jer. 13:23; 2:22).

Ahizongin Pasion in i mawhnate maisak dingin kiging sa-in om hi. Pasion in hong maisak noploh zah dong dingin a lian mahmah ahihkeileh a lipkhap huai mawhna cih bang omlo hi (Isaiah 1:18).

Hih mun thu khat bek om hi: tua in kisikna ahi hi.



Kisikna:

➡ Kisik ding zekaai sak

➡ Kisikna man

➡ Kisik ding sapna



Maisakna:

➡ Maisakna i hehpihna

➡ Maisakna puanpite



KISIKNA



KISIK DING ZEKAI SAK

Zeisu in Martha kiangah, "Martha, Martha aw, lunghihmawhna na hau a, na lung a gim hi." (Luke 10:41 zsv)


Lazarus' inn ah, Zeisu in gup ngah nading in a thupi thu tampi a pulaak hi. Ahizongin Martha na ngai lo hi. Aman' hun ngeilo hi. A sep ding tampi nei hi! (Luke 10:40-41).



Tua pen eite tungah zong hithei hi. Mawhna i bawl khitciangin Kha Siangtho in kisik dingin hong sap ciang, Satan in mawhna i neihna dinmun ah ngaih sut kaak ding le maisak sak ding zon na pan hong dal theih nading gamtatna, lunggim'na ahihkeileh adang lungsim buai'nate tawh hong dim sak hi.



Ahizongin Pasian lungkia lo hi. Amah in ama' sapna zom suak hi (Ezek. 33:11). Amah in i' mawhna te belpuansia tawh genteh hi (Isa. 64:6). Amah in kikhek ding khat hong kal' hi: a siangtho ama' puan tawh niin bang i puan te (Zech. 3:4), puante pen Zeisu sisan tawh sawp hi (Mang. 7:14).



KISIKNA MAN

"Hong pai unla, TOPA kiangah ciahkik ni. Banghang hiam cihleh amah in eite hong balgawp a, ahi zongin hong damsak ding hi. Amah in eite hong satliam a, ahi zongin i liamma hong tuam sak ding hi." (Hosea 6:1)

Kisikna i cih bang hiam? Kisikna man le kineih khem kisikna a kilamdan'na bang hiam? (2 Cor. 7:10)

Mawhna in tha khat in le kisamlo dinmun ah hong tunpih pih ciang in, kisikna hong piangsak hi. Eite' sepsate hoih tak hong pian' lohciang zumhuai sak hi. Git'loh gamtatna i thaman omlo hileh i gamtatnate dah nading omlo hi. Tua in kisikna man hitheilo hi.

Mawhna bawl kha cih thu in eite hong lungneu sak in mai sakna ngah nading a thupi lunggulhna hong pian' sak ciang in (siatna thuakna a om hiam, a om kei hiam), eite in kisikna man i ngah hi.

Mawhna i sep khak ciangin, Kha Siangtho in eite pen "a khenkhen in hong kitam sak" in a lianzaw lunggimna tawh "liam" sak hi. Eite in kisikna man tawh thukkik hileng Pasion in i mawhnate hong maisak in eite hong dam sak ding hi (Hos. 6:1).



KISIK DING SAPNA

“Tua ahiah manin na mawhnate uh a kiphatsiang theih nadingin kisikkik unla kikhel un. Tua hileh Topa kiang panin thamalhkikna hun a hong tung ding hi.” (Sawl. 3:19)

Tuiphum John le Zeisu te in “kisik kik un “ ci-in a kibang thupuak tawh amaute nasepna kipan uh hi (Matt. 3:1-2; 4:17).

Kisikna pan bang hang in thupi hiam? Ahangin tua omlo hileh mawhna te kimaisak theilo hi (Sawl. 2:38; 3:19). Hih nasep koi bangin hong tung hiam?



Ama' hoihna hang in Pasion in eite kisik dingin hong sam ahi hi (Rom. 2:4)

Eite in ama sapna i dawng hi

Zeisu'n singlamteh tungah a sisan luanna hangin Pasion in i mawh nate hong maisak hi (Col. 1:13-14)

I sep khialh nate hanga lungkhamna tak tawh

Khialhna nusia in khensatna diktak tawh

Kisikna le maisakna in eite hong kilamdang sak ding hi cih thei in; khialhna nusia dingin lampi honglak lungsim kikhelna tungtawn in (John 5:14).



MAISAKNA



MAISAKNA I HEHPIHNA

"TOPA aw, na min na khualna in, ka khialhna hong maisak in. Banghang hiam cihleh ka khialhna lianlua hi." (Late 25:11)



Pasian in maisak nading tawh kisai in zawh thawh thu zang lo hi. Tua maisakna i ngah nadingin bangmah i sep omlo hi. Pasian' hehpihna hang le mongneilo hong itna tungtawn in mawhna hong maisak hi. Amah pen "hoih na tawh kidim in maisak ding kigingsa in om a, hehpihna kicing in nei" ahih manin hong maisak hi (Late 86:5; Pai. 34:6-7).

A itna hang mahin singlamteh tungah amah le amah a kipiakna, eite' piak zawhloh mawhna leiba a hong pia hi (Eph. 2:4-5).



I mawhnate singlamteh khephung ah i paipih ciangin, Zeisu in i puak vangikte pan hong suakta sak hi (Heb. 12:1-2)



MAISAKNA I HEHPIHNA

“TOPA aw, na min na khualna in, ka khialhna hong maisak in. Banghang hiam cihleh ka khialhna lianlua hi.” (Late 25:11)

Mawhna le hehpihna kikaal ah kizopna in bang hiam?

MAWHNA LE HEHPIHNA KIKAAL KIZOPNA

Romans 5:8

“eite mawhnei mi i hih laitak”

“Khazih ei’ ading hong si”

Romans 5:20

“mawhna hongtam ciang”

“hehpihna hong tam”

Romans 5:21

“mawhna in sihna ah huzap”

“hehpihna in tawntung nunna ngah sak”

Romans 6:23

“mawhna thaman sihna”

“Pasian letsong in tawntung nunna hi”



MAISAKNA PUANPITE

“Tua ciangin amahin, ‘Lawm aw, mopuan silh lopi in banghang in hih mun hong tung thei nahi hiam?’ acih ciangin tua pa in a dawng thei kei hi” (Matthew 22:12)


Pasian pawlpi—tua pawl mimal khat sim in— “a siangtho puan pak” silh in, “niinban’na, kigiit kikeek cihte paubaan na bang mah a om kei” hi (Mang. 19:8; Eph. 5:27).

Hih a hoih mahmah puanpi in “mi siangthote’ cihtak tak a nasep nate” limciing hi (Mang. 19:8b). Ahizongin tua thuman na pen amau hilo a; Khazih tungtawnin amaute kipia ahihi (Mang. 7:14).



Adam le Eve te-in mawhna hongbawl uh ciangin, a puan ding uh amau mahin bawl in hong silh uh hi. Ahizongin amaute in Pasian mai-ah puan silhlo bangin kingaih sun uh hi (Pian. 3:7-10). Pasian hong gelsak puan in Khazih piak “ mo puan” limciing hi: i mawhnate hong maisak a kicing ama thumaanna hi (Pian. 3:21; Late 51:7-10).

Tua puan tawh lo-in kua amah vangam lut theilo ding hi (Matt. 22:1-14).



“Pasian’ tanu tapa a suak ding mi khat in kisikna le maisakna pen Khazih i tatkhiatna tungtawn in ngah ding hi cih thuman a sang ding hi. Hih thu a kician sak mawh nei mi in ama adingin a sepsa thu tawh kizui-in hanciam tha san ding hi-a, Pasian in a puah phat sakkik vangliatna in ama kha sungah hong lut in, gimna omlo in hehpihna tokhom tungah thuum ding hi. Khazih in a kisik mite bek maisak hilo hi, ahizongin Amah in a maisak mipa kisik sak masa hi. A bawlsa kiginnate zo khin ahih manin Khazih i tawntung thumaanna a um kha khempeuh ading in lai bawl khin hi. Vantung siambu ah a kigaan a manpha mahmah in niin banana a omlo puan pen a kisik, thu’ um mawhnei mi adingin hongpia khinzo hi.”